



CANNEN

BARAOUS;

Ar un Ton hanahuet;

Jésus! peh plejadur
 Aveit un inéan pur
 E zou é grâce Doué } *bis.*
 Hac en é garante!

Me gav bér en amzér,
 Hac er poënieu distér,
 Dé ha noz pe chongean } *bis.*
 Er joyeu ag en Néan.

A pe sellan d'er lhue,
 Doh mem bro, doh en né,
 D'ino é caréhen } *bis.*
 Neigeal él ur glom huén.

Mæs allas ! chom e rein,
Beta ne dremenein,
Èl ur gùir brisonnér, } *bis.*
Èn ur horv zou ponnér. }

A pe zeï d'eign merhuel,
Peh joé vou délezel,
Er horv-men dangerus, } *bis.*
Anemis de Jésus ! }

Guet hirreah é hortan,
Me zremen deuéhan,
Hast e mès de hùèlèd, } *bis.*
Jésus men gùir brièd, }

Quentéh èl ma vou bet
Me rangenneu torret,
Me hum saùou én ér, } *bis.*
Èl ma ra un huédér. }

Tremen e rein el loér,
Aveit monned d'er gloér,
Ar en héaul, er stired, } *bis.*
En hum gavein douguet. }

Ha nezé me larou :
Tud mem bro, quenavou ;
Quenavou bed chiffus, } *bis.*
Ha béhieu anquinus. }

Quenavou peuranté,
Quenavou ol tristé,
Quenavou trebilleu, } *bis.*
Quenavou péhedeu. }

Pelloh ne zouguein quet
Rangen er Goal-Speret ;
Mæs aveit birhuiquin
Men Doué en hou carein! } *bis.*

Er péhedeu marvel,
Nac erré veniel
N'elleint quet m'attaquein,
N'a jamæs me feahein. } *bis.*

Changet em bou a stad
Aveit mem brassan vad ;
Ha me guittei en doar
Hemb anquin na glahar. } *bis.*

Me hùélou discaret
Me ol anemisét,
Ha mé victorius
Dré hou cræce, ô Jésus ! } *bis.*

A bep tu pe sellein,
Quement tra e hùélein
E gargou me halon
A gonsolation. } *bis.*

Dor en néan diguéor-caër
Eit me receu ér gloér,
Er Sænt ha Santezed
Prest d'em dégueméred. } *bis.*

Guet joé en el laran,
Devis de zèn n'ellan
En triomfl e hùélein
Er gloér pé antrécin. } *bis.*

M'hum hùélou receuet
È palæs en drindet,
È creïs en inourieu }bis.
Hac er mèlodiou.

Hac ino aveit mad
È hùélein Doué en Tad,
Guet é Vab éternel }bis.
Hac er Spered-Santel.

Me hùélou me Jésus,
Guet un ér graciüs,
È laquad ar me fen }bis.
Er gaërran couronnen.

A p'em déguemérou,
Ag é berh me gleuou:
Dès, servitour fidel, }bis.
Dès d'er gloér éternel.

Chongeamb ol dré avance
Peh quer caër recompançe
Zou d'emb ol preparet }bis.
È palæs en drindet.

Èr baraouis hemb quin
Ni ellou compreinein
Petra e talhue en néan, }bis.
Hac é joyeu brassan.

Aveit poénieu distér,
Aveit anquinieu bèr,
Ni e vou payet mad }bis.
Guet hun Doué, hun guir dad.

È huéled nezé Doué,
Guet er Sânt, en Ælé,
Ni e vou ol coutant,
Hemb eun a changemant. }bis.

Caër e vou de huélet
Er huerhiès beniguet,
Guet en deuzec stiren
E ra hé houronnen. }bis.

Ni e huélou open,
Ranquet ên ur vanden,
En Ælé, Arhælé,
Ol é vélein ou Doué. }bis.

È cannein hemb arsaù,
Ar un ton caër ha braù,
Bennoh ha mélodi
D'hou Doué ha d'un hani. }bis.

Ni e huélou ehué
È leuiné ha joé,
Ré salvet a bep léh,
Béléan ha menéh. }bis.

Patriarchet fidel,
Ha propheted sântel,
Guet en apostoled
Hac en ol vartyred. }bis.

Ol couronnet à hloér,
Palamor d'er victoér
O dès bet gouniet
Ar en ol tyrantot. }bis.

Guerhiezed a bep oèd,
A bep stad santezed,
Intanhuezed, groaguè,
Ol couronnet guet Doué. }bis.

Ol en Æledigueu,
Ar ou Achelligueu,
Avel un taul guren,
È neigeal drèst-hur pen. }bis.

Eurustæd hemb hé far!
Dré avanç ni ha càre;
Te gonsol me halon
È peb affliction. }bis

Èn ol poénieu caled
A gory pé a spered,
Me chongeou noz ha dé
È joé ha gloér en né. }bis.

FIN.



